



Universitätsbibliothek Paderborn

**Directorivm. Servandi Pvblicas, Sacrasqve Processiones,
Sev Svplicationes, Tam Ordinarias, quae fiunt certis
diebus per annum; quàm extraordinarias, quae varijs ac
publicis Ecclesiae de causis in ...**

Coloniae Agrippinae, 1640

Modus celebrandi 40. horarum Preces §. 1. & seqq. Quid obseruandum in
Missa, quae celebratur in Altari, in quo Venerabile est expositum

urn:nbn:de:hbz:466:1-9480

RITVS VEL MODVS
celebrandi coram Venerabili.

Seu

De his quæ addenda sunt in Missa,
quæ celebratur ad Altare, in quo ex-
positum est sanctissimum Sa-
cramentum.

Desideratur hic titulus in Rubricis Missa-
libus à multis; de quo hoc loco, ne desi-
deretur amplius: sed *in cerem. Episc. lib. I. cap.*
12. optimè monemur ex antiquorum docu-
mentis, ut abstineamus à Missa celebranda co-
ram Sacramento, quantum fieri potest etiam
in suo Tabernaculo occluso. *Quod si ferat ne-*
celsitas, vel suadeat alia iusta causa, puta, infra
Octauam Corporis Christi, & tempore publi-
cæ Orationis 40. horarum; eo casu genufle-
xiones omnes, & actus reuerentiales debiti di-
ligenter sunt obseruandi: quos varijs in libris
Ritualibus præscriptos, & sparsim, hoc loco
collegimus.

In primis igitur illud est notandum, quod
pro exponendo Sacramento in Altari pro ini-
tio 40. Horarum vel spiritualium exercitatio-
num cantari debet Missa Votiva de Sacra-
mento, quæ habetur circa finem Missalis, non au-

I 4 tem

tem festiuia Corporis Christi (nisi infra Octauam eiusdem Festi casus accideret) & tempore Paschali addendum erit Alleluia, ut sit in alijs votiuis Missis.

Dicitur in tali Missa vna tantum Oratio cū Gloria, Credo, & Præfatione de Natiuitate, quia solet esse publica causa: non autem priuatis Missis hæc conueniunt. Alijs autem diebus seu temporibus, si forsan cantentur Missæ, vel pro Pace, aut Tempore Belli, seu pro quaunque necessitate similiter Votiuæ, quæ luctum potius significant & tristitiam, propter quam etiam adhiberi oportet colorem violaceum) intermissio Gloria & Credo, ut in diebus Rogationum canitur Missa sine tali solemnitate: nisi fiat pro gratiarum actione vel similis.

Nota autem quod propter huiusmodi Missas Votiuas in Collegiatis Missa Conuentualis de die à Canonicis intermitti non possit, cum debeat semper cum Officio concordare, cap. cum Creatura de celebrat. Miss. vbi verbum Mandamus obligat ad mortale, ex Bonacin, de Leg. disp. I. q. I. punct. 7. §. 4. n. 7. cum communi; & in cap. Quidam. & in cap. Et hoc, de Consecrat. Dist. I. Lege Azor. lib. 10. cap. 32. q. 7. & nota quod neque omitti potest pro Missa Defunctorum, in d. cap. Cum Creatura.

Ex quibus sacra rituum Congregatio die 25. Junij 1611. & die 28. Ianuarij 1612. decreuit, teneri Canonicos omnino ad cantandam Missam

de

de die, ut lucentur distributiones. & die 16.
Januar, 1627. duo respondit. Alterum quod ob
Missam talem Votiuam, seu pro Defunctis, nō
potest omitti Missa Conuentualis. Alterum est,
quod neque potest introduci consuetudo in
contrarium ritum. Et quoad illud primū per-
stittit in eadem sententia die 12. Iulij 1628.

Si quandoq; contingat Missa eiusmodi vo-
tiua in Festo omnino solemini ut vocant primæ
vel secundæ classis, vel in Dominica tali Priu-
legiata, v.g. Prima Aduentus, Prima Quadra-
gesimæ, Dominica Passionis, Palmarum, in Al-
bis, &c. tum in Collegiatis vel duæ cantentur
Missæ, altera de Festo, seu Dominica horarum
tempore debito & consueto; altera Votiuua de
Sacramento post Nonam, vel una cantetur de
die cum commemoratione SS. Sacramenti;
quod Romæ fit in Cappella Papæ in Prima
Dom. Aduentus, & in alijs diebus Festis lo-
lemnibus in Ecclesijs maioribus Vrbis.

In ingressu Celebrantis & in ministeriorum ad
Altare, in quo patet Sacramentum, omnes de-
bent genuflectere in plano Capellæ utroque
genu. Facta verò confessione, ascendunt ad
Altare, ubi deinceps genuflectunt unico genu,
ut expeditiores sint; & celebrans dicit: Ora-
mus te Domine, vt alijs.

Incensatio Altaris fit de more stante Sacer-
dote dum benedicit incensum; quod item de
more benedicitur ex ceremon. Episcop. lib. I. c. 23.
quia Altare & celebrans etiam thurificari de-
bent.

Pro Cruce, quæ adesse non debet, incensatur Sacramentum à celebrante super altiore Altaris gradum cum Ministris genuflexo. Neque Diaconus osculari quidquam debet in hac Missa, quod tradi debeat celebranti; neq; manus item celebrantis in traditione rerum, ob apertam præsentiam SS. Sacramenti: quod expresse dicitur in cærimonial. Episcop. lib. 27. cap. 33. *Absque osculo, inquit, cochlearis & manus.*

Cum incensandus est celebrans, reddito Thuribulo in cornu Epistolæ, ut moris est, descendit, & sistit se apud idem cornu, facie versa ad populum, aduertens ne, dum mouet se, terga vertat Sacramento, & ibi à Diacono econtra stante in plano Capellæ incensatur. quod erit quoque obseruandum in altera incensatione ad Offertorium, & ibidem lauat manus. Eadem enim est ratio exeundi extra Altare tam pro incensatione, quam pro ablutione manuum celebrantis: & utrumque seruatur in vrbe.

Accedens ad medium Altaris, & recedens à medio, vel transiens ante medium toties quoties, semper genuflectit celebrans unico genu: quod & Ministri obseruant.

Conuertens se ad populum dicturus *Dominus vobiscum*, seu alia, facta genuflexione post osculum Altaris, sistit se renibus versis ad Euangelij cornu; tum facta iterum genuflexione in medio, redit ad librum seu Altare.

In incensatione oblatorum benedit incensum de more, & sine genuflexione incensat oblata:

DE PRECIBVS HORARIIS. 139

Iata: tum genuflexus super altiore gradum,
vt supra, incensat Sacramentum vt initio Mis-
sæ. Diaconus non amouet calicem de medio,
quia nullum est periculum hic effusionis eius.

Dicitur *Orate fratres à Celebrante, vbi Da-*
minus vobiscum, sed non perficitur circulus, rur-
susq; genuflectitur, quia redditur ad medium.

Reliqua usque ad Communionem inclusi-
ue fiunt ut in alijs Missis: à Communione ad
finem Missæ fiunt genuflexiones & conuersio-
nes ad populum, vti supra dictum est.

In benedictione populo danda, dicto *Omni-*
potens Deus, genuflectit Celebrans, & in latere
Euangelij benedicit, non perficit circulum,
neque in medio genuflectit, sed in eodem late-
re cōuersus statim ad Altare signat librum, seu
Tabellam Euangelij vltimi, non Altare, quam-
uis Sacramentum esset altius Altari: est enim
ac si esset in Altari, & ratio est, quia ibi imme-
diate adest Auctor benedictionum. Ad verba,
Et Verbum Caro factum est, genuflectat Cele-
brans cum Ministris paulò versus Sacmentū.

Recedit cum Ministris ab Altari, cum ge-
nuflexione in plano Capellæ vtroque genu fa-
cta, vel si facienda sit aliquando Processio, pro-
fine Orationis alicuius publicæ, facta prope Al-
tare genuflexione in medio, descendit extra
cornu Epistolæ, vbi depositis manipulis à se, &
à Ministris cum Catula, induit Celebrans plu-
viale, & cætera facit quæ ad processionem spe-
stant, de qua supra in festo S. Marci.

In



In Missa priuata, quæ tamen quam parcissimè celebranda erit in Altari, in quo sacra Eucharistia est exposita, eadem obseruari debent, quæ supra diximus, demptis ijs quæ sunt propria solemnis Missæ.

Neque illud omittendum quod præscribitur de manuum ablutione extra Altare, quæ eodem modo fieri debet à Celebrante, quem supra de incensatione Celebrantis posuimus.

Præstaret ut coram Augustissimo pro Precibus horarijs in Altari exposito, Eucharistiæ distributio, ad vitandam irreuerentiam ob populi communionem, non fieret; sed alio commodiori in eum finem deputato, debitè etiam ac decenter luminibus, & alijs requisitis instruto.

Extra Missarum solemnia in saepe memorato Altari utensilia Missæ, uti calix, vestes sacerdotiales, ampullæ, legile, seu puluinar, & similia, nunquam remaneant.

Neque licitum est ulli Sacerdotum sacras vestes pro Missa dicenda, seu præsente, siue absente Venerabili induere in ipso Altari,
id enim concernit Episcopalem dignitatem.

DE